

قصة حياتي

عمري وحياتي مسرحيه
المر فيها مش شويه
حتى الطفوله ماشوفتهاش
خليك معايا انت و هي

.....

طفلة زي زهور السوسن
طول العمر بتشقى و تحزن
ترعى اخواتها الأكبر منها
و أب الغل معاه متمكن

.....

كف بيحضن كف يا عين
ضلمه حياتي وكل سنيني
و أم شديده مفيش حنيه
دستور ظالم يمشي عليا
إكسر ضلع لبنتك
يطلع الفين ضلع
و تصبح أحسن
كنا تلات زهرات إخوات
بينهم راجل أخ ومجدع
عمره مانخ
كان الأب و كان الأخ
كان النسمة
ف عز الولعه
كان بحنانه

يشيل الدمعه
كان مصباحنا
وكان الشمعه
عشنا حياتنا
آلام و جراح
خفنا نعيش
حتى الأفراح
عمر القلب ما يوم ارتاح
فرض علينا
و حاضر طيب
عمرنا عدى
بعيد و قريب
حزن بيكبر
كل ما تكبر

حتى عشمنا في بكره

دا خيب

عند المفرق

كله اتفارق

مين في حياتنا

أصلا فارق

اللي اتجوز

واللي اتعنس

مين بحياته راضي و قانع

كل ما تيجي يوم تتقدم

تلقى في وشك

مليون مانع

أب شديد

و الأم معاه

شأيفه قساوته
مش مانعاه
حتى الأخ برغم الطيبه
بيسكت
مليون حاجه أكيد حاشاه
خاييه و صدقت الأوهام
زيف في كلام
مع زيف أحلام
عمر وداني ما سمعت زيه
كنت اسمعه
وأقول يا سلام
كانت صدمه كبيره في عمري
وعقلي كمان
رافض يستوعب

قررت امشي بعيد وانساهم
يمكن اقدر انسى اساهم
عشت سنين وسنين و ياهم
و كل أمالي اللي بعيش بيها
أنسى مراري
مع ذكراهم